



AZKOITIKO UDALA  
AYUNTAMIENTO DE AZKOITIA

## IRAGARKIA

**2020ko irailaren 18ko Alkatearen Dekretuz honako ebazpenak onartu ditu:**

**LEHENA.-** Kultur, kirol eta aisialdi jardueri diru-laguntzak lehia araubidez emateko 2020 ekitaldiko deialdia onartzea.

**BIGARRENA.-** Aipatu diru-laguntzak emateko gastua onartzea ondokoaren arabera:

- 1.3000.481.338.00.01 Festak diru laguntza	5.000 €
- 1.3000.481.341.00.01 Kirola diru laguntza	40.000 €
- 1.3100.481.334.00.01 Kultura diru laguntza	20.000 €

**HIRUGARRENA.-** 2020 ekitaldiari dagokion deialdia Gipuzkoako Aldizkari Ofizialean, web orrian eta gardentasunaren atarian argitaratzea, ondoko edukiarekin:

### 1.- Diru-laguntzaren xedea:

Irabazi asmorik gabeko Azkoitiko kultur, kirol edo aisialdiko talde zein elkarteei dirulaguntzak emateko oinarriak arautzea da, aurten sektore horietan egitasmo eta jarduerak burutzeko. Jarduera hauek, beti ere, bat egin behar dute Azkoitiko Udalaren kultura, kirol eta aisialdirako programen helburuekin.

Dirulaguntzak ondorengo atalen baterako eskatu ahal izango dira:

- Azkoitiko kirol erakunde eta taldeen ohiko jarduerak.
- Kultur/aisialdiko egitasmo eta jarduerak orokorrean.
- Auzoetako festak.
- Kultur truke eta senidetze jarduerak.
- Kultur, kirol eta aisialdien jarduera puntualak: berezko ezaugarriengatik aurreikusi ezin izan diren jarduerak dira, edota aldi behinekoak direlako oinarriotan zehaztutako epean burutuko direnak. Kultura eta Kirol Batzordeko lehendakariari dagokio ekimenaren izaera puntuala zehaztea.

### 2.- Diru-laguntza eskatzeko bete behar diren epeak eta baldintzak:

Dirulaguntzak eskatu ahal izango dituzte:

- Legez eraturako erakunde, elkarte eta taldeak.



AZKOITIKO UDALA  
AYUNTAMIENTO DE AZKOITIA

- Kirol, kultur edo aisialdi jarduerak burutzen dituzten gizabanakoak edo helburu bererako elkartutako pertsona taldeak.

Dirulaguntza hauek beste batzuekin bateragarriak izan daitezke; horrela bada, jarduera bererako beste erakunde eta organismoen eskatutako diru-laguntzak adierazi behar dira.

**Eskaeren aurkezpena.**

Interesatuak hurrengo baldintzak bete beharko dituzte:

1. Eskaerak egiteko Udaletxeko Harrera Bulegoan dauden diru laguntzetarako eskaera-orri ofizialak betetzea.
2. Egitasmo edo jardueraren arduradunak dirulaguntza eskatu ahal izateko, eskaera-orriofizialaren atal guztiak betetzea.
3. Ekitaldi bakoitzeko, Gipuzkoako Aldizkari Ofizialean deialdia argitaratu denetik, hilabeteko epea egongo da eskaerak aurkezteko.

Jarduera puntualen kasuan, berriz, eskaera jarduera burutu baino hilabete lehenago egin beharko da, gutxienez.

Eskaerekin batera ondorengo agiriak ekarri beharko dira:

a) Dirulaguntza lehendabiziko aldiz eskatzen dutenak.

- Eusko Jaurlaritzako elkarte edo erakundearen erregistroan zein elkarten Udalen erregistroan erroldatuta daudeneko ziurtagiria.
- Elkartearen Curriculum-Vitae: orain arte burututako jarduerak, helburuak, giza eta material baliabideak, ea..

b) Eskaera egiten duten talde edo elkarte guztiak:

- Diru sarrera eta gastuen urteko aurrekontua.
- Urteko jarduera-egitasmoa: Jarduerak egiteko epeak eta datak, metodologia, helburuak, zein biztanle-talderentzako pentsatu den, etab.
- Elkarteari buruzko txosten laburra, deialdi honetako seigarren ataleko puntuan zehaztutakoa jasoko duena.
- Diruz lagunduko diren egitasmoen iazko memoria. Bertan agertuko dira:
  - Jarduketa memoria, zer jarduera burutu diren eta zer emaitza lortu diren adierazita.
  - Jardueran izandako gastu eta inbertsioak sailkatzeko zerrenda. Hartzekoduna eta agiria, zenbatekoa, egiten data, eta hala badagokio, ordainketa data adierazi behar dira.
  - Diruz lagundutako jarduketa finantzatu duten bestelako diru sarrera edo laguntzen zerrenda zehatua, zenbatekoa eta jatorria adierazita.
  - Jarduerak egiaztatze agiriaren dosierra (kartelak, prentsa oharra etab.).



AZKOITIKO UDALA  
AYUNTAMIENTO DE AZKOITIA

c)Eskaera norbanakoek aurkezten badute, edota eraketa finkoa ez duten taldeen izenean egiten bada:

- Arduradun(ar)en NANaren fotokopia.
- Arduradun(ar)en edo taldearen Curriculum vitae.
- Programaren gastuen eta sarreraren aurrekontua.
- Egitasmoari buruzko txosten laburra oinarri hauetako seigarren ataleko puntuan zehaztutakoa jasoko duena.
- Diruz lagunduko diren egitasmoen iazko memoria. Bertan agertuko dira:
  - Jarduketa memoria, zer jarduera burutu diren eta zer emaitza lortu diren adierazita.
  - Jardueran izandako gastu eta inbertsioak sailkatzeko zerrenda. Hartzekoduna eta agiria, zenbatekoa, egiten data eta, hala badagokio, ordainketa data adierazi behar dira.
  - Diruz lagundutako jarduketa finantzatu duten bestelako diru sarrera edo laguntzen zerrenda zehatua, zenbatekoa eta jatorria adierazita.
  - Jarduerak egiaztatzekeo agirien dosierra (kartelak, prentsa oharrak etab.).

d)Izaera puntualeko jardueretarako dirulaguntzak eskatu duten guztiak.

- Jardueraren historia eta/edo parte-hartzaileen curriculum vitae.
- Egitasmoaren antolaketa zehazten duen txosten teknikoa
- Jarduera esparrua.
- Parte-hartzaileak, mailaka edo adinka zehaztuta.
- Jardueren toki eta datak.
- Jarduerari emango zaion zabalkundea (telebista, irratia, prentsa).
- Ikusle kopurua.
- Antolaketarako materialak eta giza baliabideak.
- Jarduera antolatuko duen pertsona edo taldearen fitxa osoa.
- Egitasmoen memoria. Bertan agertuko dira:
  - Jarduketa memoria, zer jarduera burutu diren eta zer emaitza lortu diren adierazita.
  - Jardueran izandako gastu eta inbertsioak sailkatzeko zerrenda. Hartzekoduna eta agiria, zenbatekoa, egiten data eta, hala badagokio, ordainketa data adierazi behar dira.
  - Diruz lagundutako jarduketa finantzatu duten bestelako diru sarrera edo laguntzen zerrenda zehatua, zenbatekoa eta jatorria adierazita.
  - Jarduerak egiaztatzekeo agirien dosierra (kartelak, prentsa oharrak etab.).

Agiriok ez aurkezteak diru laguntza jasotzeari uko egiten zaiola esan nahiko du. Era berean, datuak ezkutatu edo faltsutzeak diru laguntza hau, edo ondorengoak, jasotzeko eskubide galera ekarriko du.

Eskaera ondo bete gabe badago, edo agiriren bat falta bada, 15 eguneko epea emango da hutsunea betetzeko eta, epe honetan osatu ez bada, agiritegira bidaliko da besterik gabe.



AZKOITIKO UDALA  
AYUNTAMIENTO DE AZKOITIA

Aurreko urteetan eskaria egin izan duten erakunde edo taldeek, datuetan aldaketarik izan badute, eskaria lehen aldiz egingo dutenei eskatutako agiriak ere aurkeztu beharko dituzte

### 3.- Hautapen eta balorazio irizpideak

Kultur eta kirol teknikaria aurkeztutako egitasmoak aztertu eta ebaluatuko ditu zeinek erabakiko ditu lehentasunak eta egitasmoentzako zenbatekoak. Ondoren, behin betiko erabakiaren txostena egingo du. Eskaerak jasotzeko azken egunaren biharamunetik aurrera, hilabeteko epean, proposamena Alkateak edo Aisialdiko batzordeburuari, emango zaio honek aztertu eta onar dezan.

Dirulaguntzak emateko kontuan hartuko diren puntuak memoria laburrean edo eskariarekin batera ekarri beharreko txostenean jasotakoak dira, hain zuzen ere:

#### a) Ohiko kirol jardueretarako dirulaguntzak:

- Jardueraren kalitatea. 5 puntu arte.
- Eskola kirolarekin elkarlana. 10 puntu bitarte.
- Federatutako talde eta federazio baimenen kopurua. 20 puntu arte.
- Entrenatzaile eta monitore kopurua. 5 puntu arte.
- Kirolarien kirol-maila. 5 puntu arte.
- Urteko egitasmoan, kirola bultzatzeko egindako lana eta elkarlana Azkoitiko Udalarekin. 10 puntu arte.
- Elkartek edo taldeak bere esparruan erakutsi duen ibilbidea, jarraipena eta egonkortasuna. 10 puntu arte.
- Jarduera esparruan euskara erabiltzeko egindako ahalegina. 10 puntu arte.
- Elkartearen diru baliabideak eta eskatutako laguntzaren proportzioa elkartearen baliabideekiko. 10 puntu arte.
- Emakume eta gizonen partaidetza parekatua elkartean. 5 puntu arte.
- Jarduera esparruan emakumeen parte-hartzea sustatzeko ahalegina elkartean. 5 puntu arte.
- Kirol jardueratik elkarbizitza sustatzea eta indartzea. 5 puntu arte.

#### b) Ohiko kultur jardueretarako dirulaguntzak:

- Jardueraren kalitatea, jarduera-kopurua, bazkide-kopurua, etab. 15 puntu arte.



AZKOITIKO UDALA  
AYUNTAMIENTO DE AZKOITIA

- Egitasmoaren onuradun kopurua. 10 puntu arte.
- Urteroko egitarauaren ekarpena herriaren bizitza soziokulturalari eta jarduera instituzionalean parte hartzea sustatzeari begira. 20 puntu arte.
- Elkarre edo taldeak bere esparruan erakutsi duen ibilbidea, jarraipena eta egonkortasuna. 10 puntu arte.
- Aurkeztu den programazioa herritar guztiei irekitzea. 10 puntu arte.
- Jarduera esparruan euskara erabiltzeko egindako ahalegina. 10 puntu arte.
- Elkarrearen diru-baliabideak eta eskatutako laguntzaren proportzioa elkarrearen baliabideekiko. 10 puntu arte.
- Emakume eta gizonezkoen partaidetza parekatua elkarrean eta sustatzeko ahalegina jardueran. 10 puntu arte.
- Kultur jardueretatik elkarbizitza sustatzea eta indartzea. 5 puntua arte.

c) Aldian behineko kultur edo kirol jardueretarako dirulaguntzak:

- Egitasmoaren edo jardueraren kalitatea. 10 puntu arte.
- Bere esparruan taldeak izandako ibilbidea, jarraipena eta egonkortasuna. 10 puntu arte.
- Aurkeztutako egitasmoa herritarrei zabaltzea. 10 puntu arte.
- Parte-hartzaile kopurua, iraupena, kultur edo kirol maila, jardueraren esparrua eta zabalkundea. 15 puntu arte.
- Jardueraren finantzazioa. 15 puntu arte.
- Jarduera antolatzeko azpiegitura eta giza baliabideak. 15 puntu arte.
- Jarduera esparruan euskara erabiltzeko egindako ahalegina. 10 puntu arte.
- Emakume eta gizonezkoen partaidetza parekatua elkarrean eta sustatzeko ahalegina jardueran. 10 puntu arte.
- Kultur eta Kirol jardueretatik elkarbizitza sustatzea eta indartzea. 5 puntua arte.

**4. Ebazpena, jakinarazteko epea eta ordainketa**

Kultur teknikariak aurkeztutako eskaerak ebaluatuko ditu eta diru-laguntzen zenbatekoak erabakiko ditu. Ondoren, behin betiko erabakiaren txostena egingo du. Eskaerak jasotzeko azken egunaren biharamunetik aurrera, hilabeteko epean, proposamena ebazteko ahalmena duen Alkateari edo Azkoitiko Udaleko Aisialdiko Batzordeburuari, emango zaio honek aztertu eta onartu dezan.

Ebazpena interesatuei idatziz jakinaraziko zaie eskaeran adierazitako eran: paperean ala elektronikoki.



AZKOITIKO UDALA  
AYUNTAMIENTO DE AZKOITIA

Ordainketa bakarra egingo da, behin diru-laguntza ematea erabaki eta gehienez bi hilabeteko epean.

#### 5. Araudia

Deialdi honetan aurreikusi ez den orotan honako arauak aplikatuko dira: azaroaren 17ko Diru-laguntzen 38/2003 Lege Orokorra (azaroaren 18ko Estatuko Aldizkari Ofiziala); horren garapenerako Erregelamendua, uztailaren 21eko 887/2006 Errege Dekretuaren bidez onartua (uztailaren 25eko Estatuko Aldizkari Ofiziala); eta Azkoitiko Udaleko Diru-laguntzen Oinarri Orokorrak eta Espezifikoak ( GAO, 171 zk., 2020ko irailaren 8a).

#### 6. Errekurtsoak

Deialdi honen aurka Administrazioarekiko Auzi Errekurtsoa aurkez daiteke bi hilabeteko epean, Administrazioarekiko Auzietako Epaitegian eta Berraztertze Errekurtsoa deialdi honen ebazpenaren aurka hilabeteko epean.

Epeak deialdi hau argitaratu eta biharamunetik aurrera hasiko dira kontatzen.

**LAUGARRENA.**- Erabaki hauek Kontuhartzaitza Sailari jakinaraztea.

Azkoitian, 2020ko irailaren 23n.  
ALKATEAK